

ԱՖԼԱՆՍՏԱՆԻ, ԻՐԱՆԻ ԵՎ ԹՈՒՐԻՔԻԱՅԻ ՆՈՐ ԵՎ ՆՈՐԱԳՈՒՅՆ ՇՐՋԱՆԻ
ՊԱՏՄՈՒԹՅԱՆ ՈՒ ՏՆՏԵՍՈՒԹՅԱՆ ՊՐՈԲԼԵՄՆԵՐԻՆ ՆՎԻՐՎԱԾ
ՀԱՄԱՄԻՈՒԹԵՆԱԿԱՆ ԳԻՏԱԿԱՆ ՍԵՍԻԱ

1962 թ. մայիսի 22-ից 26-ը Բաքվում կայացավ Աֆղանստանի, Իրանի և Թուրքիայի նոր և նորագույն շրջանի պատմության ու տնտեսության պրոբլեմներին նվիրված Համամիութենական գիտական սեսիա: Սեսիան կազմակերպել էին ՍՍՌՄ ԳԱ Ասիայի ժողովուրդների ինստիտուտը, Ադրբեջանի, Վրաստանի և Ուզբեկստանի Գիտությունների ակադեմիաների Արևելագիտության ինստիտուտները և Հայաստանի Գիտությունների ակադեմիայի Արևելագիտության սեկտորը: Սեսիային մասնակցում էին ինչպես Մոսկվայի և Լենինգրադի, այնպես էլ Քրիլիսիի, Դուշանբեի, Երևանի, Տաշքենտի, Բաքվի, Աշխարադի արևելագետները:

Սեսիայի պլենար նիստում ողջույնի խոսք ասաց Ադրբեջանի ԳԱ պրեզիդենտ Ջ. Խալիլովը, որն ընդգծեց հարևան երկրների պատմության ու տնտեսության պրոբլեմներին նվիրված գիտական ներկա սեսիայի կարևոր նշանակությունը:

Պլենար նիստում զեկուցումներով հանդես եկան ՍՍՌՄ ԳԱ Ասիայի ժողովուրդների ինստիտուտի ղեկավար Լ. Ախրամովը, Ադրբեջանի ԳԱ Արևելագիտության ինստիտուտի ղեկավար Ա. Ալիզադեն, Ասիայի ժողովուրդների ինստիտուտի Մերձավոր և Միջին Արևելքի բաժնի վարիչ Վ. Յիրուսկին, նույն ինստիտուտի գիտական ինֆորմացիայի սեկտորի վարիչ Ա. Վարդանյանը և Արևելյան գրականության հրատարակչության ղեկավար Օ. Դրեյերը:

Պլենար նիստում լավեց Հայաստանի ԳԱ Արևելագիտության սեկտորի վարիչ Հ. Ինժիկյանի զեկուցումը «Իրանի և Թուրքիայի նոր և նորագույն շրջանի պատմության պրոբլեմներին ուսումնասիրումը ՀՍՄՄ ԳԱ Արևելագիտության սեկտորում» թեմայով: Զեկուցողը նշեց, որ սեկտորը գիտական տարրեր պրոբլեմներ մշակելիս լայնորեն օգտագործում է հայկական հարուստ աղբյուրները և հենց այդ տեսակետից իր լուծման է մտցնում սովետական արևելագիտության զարգացման գործում: Սա կանգ առավ նաև այն հարցի վրա, որ ուսումնասիրվող երկրների ներքին կյանքը, քաղաքացիական պատմությունը շատ հաճախ անտեսվել են սովետական պատմաբանների կողմից, մինչդեռ դրանք պետք է լինեն մեր արևելագետների ուշադրության կենտրոնում, քանի որ այդ հարցերի խորը գիտական ուսումնասիրումը հնարավորություն կտա ճիշտ մեկնաբանել նշված երկրների վարած արտաքին քաղաքականությունը: Զեկուցման վերջում անդրադառնալով աղբյուրի բուրժուազիայի երկակի բնույթի և անկախության համար մղված պայքարում նրա դերի հարցին, զեկուցողը շնչեց, որ անհրաժեշտ է նման երևույթների գնահատման գործում ելնել պատմականության սկզբունքից:

Սեսիայի աշխատանքները ընթանում էին երեք առանձին սեկցիաներում: Աֆղանստանի, Իրանի և Թուրքիայի սեկցիաներում կարգացվեց մոտ 60 գիտական զեկուցում:

Իրանական սեկցիայում կարգացվեցին 22 զեկուցումներ: Դրանք ընդգրկում էին Իրանի նոր և նորագույն շրջանի պատմության բազմաթիվ հարցեր: Մի շարք զեկուցումներ նվիրված էին Իրանի բանվորական շարժման պատմությանը: Այսպես, Տ. Շահինը (Բաքու) զեկուցեց «Առաջին բանվորական պարտիայի ստեղծումը Իրանում» թեմայով, իսկ Ա. Շամիդեն (Բաքու) «Իրանի բանվորական շարժման մեջ ռեֆորմիզմի հարցի շուրջը» թեմայով: Իրանում բանվոր դասակարգի առաջացման խնդրին էր նվիրված Ջ. Արդուլանի զեկուցումը: «Մարքսիզմ-լենինիզմի դադափարների ֆալսիֆիկացիան Իրանում» թեմայով հետաքրքիր զեկուցում կարդաց Ա. Աղահին (Բաքու): Նա նշեց, որ ներկայումս Իրանում, ինչպես կապիտալիստական մյուս երկրներում, իշխող ռեակցիոն իդեոլոգիայի ամբողջ սխտեմը ուղղված է հիմնականում կոմունիստական աշխարհայացքի դեմ:

Մարքսիզմ-լենինիզմի գաղափարների տարածումը Իրանում ունի ավելի քան կես դարի պատմություն: Վախճանալով Իրանում հասարակական մտքի զարգացման գործում մարքսիստական գաղափարների ուղղությունականացնող ազդեցությունը, իշխող ունակցիոն շրջանները ամեն ղեկով ընդարձակում և ուժեղացնում են ռեպրեսիաները պրոգրեսիվ ուժերի դեմ: Աշխատավորությանը խաբելու բոլոր միջոցները, սկսած կրոնական թմրադեղից մինչև մարքսիզմ-լենինիզմի ռեֆորմիստական, ռեիզիոնիստական աղավաղումները և ֆալսիֆիկացիան, մոբիլիզացվել են կոմունիստական աշխարհայացքի դեմ պայքարելու համար:

Զեկուցումների գերակշռող մասը նվիրված էր Իրանի ուղղությունների պատմությանը: Այսպես, օրինակ, զեկուցումներ կարդացվեցին «Իրանական էմիգրանտական թերթերը 1905—1911 թթ. ուղղությունի նախօրյակին» (Ի. Հաթեմի), «Իրանական ուղղություն կազմակերպությունները Միջին Ասիայում» (Ա. Մատվեն), «Սաթար խանը և 1908—1909 թվականների Քավրիզի ապստամբության ղեկավարական մյուս գործիչները» (Ն. Բելովա) և «1905—1911 թթ. Իրանական ուղղությունի պրոբլեմները ժամանակակից Իրանական պատմագրության մեջ» (Ս. Ալին) թեմաներով: Խոսելով Իրանական պատմագրության մեջ 1905—1911 թթ. ուղղություն շարժումների գնահատման հիմնական ուղղությունների մասին Ալինը նշեց, որ գոյություն ունեն երեք հիմնական ուղղություններ: Առաջին ուղղությունը փորձում է Իրանական ուղղություն շարժումները և նրա շարժիչ ուժերը գնահատել այն ժամանակվա ուղղություն մանր բուրժուազիայի տեսանկյունով: Երկրորդ ուղղությունը ձգտում է մի կողմից արդարացնել Իրանական լիբերալների դավաճանական գործունեությունը և նրանց ու բարձրաստիճան հոգևորականությանը ներկայացնել որպես ժողովրդական շարժման առաջնորդներ և հերոսներ, իսկ մյուս կողմից՝ երկրորդ պլանի վրա մղել ժողովրդական մասսաների և նրանց առաջնորդների գործունեությունը: Երրորդ ուղղությունը ընդհանրապես ուղղություն այդ շարժումը համարում է անժամանակ և ժխտում է նրա օրինաչափ լինելը:

Ֆեոդալական հողատիրության քայքայումը Իրանում 19-րդ դարի վերջին և 20-րդ դարի սկզբին» թեմայով զեկուցեց Շ. Թադիևան: Նա կանգ առավ 19-րդ դարի 80-ական թվականների Իրանական գյուղում ապրանքային արտադրության զարգացման հարցի վրա և նշեց, որ դա կապիտալիստական հարաբերությունների առաջացման շրջանն էր: Այդ փոփոխությունները բնականաբար ազդեցին ֆեոդալական հողատիրության ձևերի վրա: Նշանակալից չափով աճեց մյուլքադար-կավածատերերի թիվը և այլն:

Իրանում բնակվող բազմաթիվ վաչկատուն ցեղերին նստակյաց դարձնելու պրոբլեմին էր նվիրված Վ. Տրուբեցկոյի զեկուցումը: Զեկուցման մեջ մանրամասն նկարագրված էր վաչկատուն ցեղերի նստակյաց դառնալու տնտեսական հիմքերը՝ ցեղերի խաները վերածվում են նստակյաց կավածատերերի: Զեկուցողը հանգել է այն եզրակացության, որ շնայած վաչկատուն ցեղերի նստակյաց դառնալը և տնտեսական արխայիկ ձևերի վերացումը, անկասկած, Իրանի համար ունի պրոգրեսիվ նշանակություն, սակայն իմպերիալիզմի կողմից ստրկացված երկրում նստակյաց դառնալը կատարվում է դեհիկ եղանակներով և հսկայական մարդկային ու նյութական կորուստներ է պատճառում այդ ցեղերին: Ժամանակակից Իրանի արդյունաբերական հիմնական ճյուղերի հարցի մասին զեկուցեց Ն. Աղասին: Նա նշեց, որ ժամանակակից Իրանում արդյունաբերության ամենազարգացած ճյուղը նավթարդյունաբերությունն է, որը և գտնվում է միջազգային նավթային մոնոպոլիաների ձեռքում: Իրանում ընդհանրապես բացակայում է ծանր արդյունաբերությունը: Համեմատաբար զարգացած ճյուղեր են տեքստիլ և շաքարի արդյունաբերությունը: Բայց մինչև իսկ այդ ճյուղերը ի վիճակի չեն բավարարելու երկրի պահանջները: Չնայած ետպատերազմյան շրջանում կառուցվել են թեթև արդյունաբերության մի շարք գործարաններ, բայց Իրանի տնտեսական ստրուկտուրան առաջվա պես մնում է հետամնաց և կիսագաղութային: Ազգային արդյունաբերության առկա ճյուղերն էլ խորը ճգնաժամ են ապրում: Խորը ճգնաժամ է ապրում և Իրանի գյուղատնտեսությունը: Այդ կապակցությամբ 50-ական թվականների ազդարարին հարցի սրման մասին զեկուցումով հանդես եկավ Ռ. Սեիդովը: Զեկուցողը հատկապես կանգ առավ այն հարցի վրա, որ այդ տարիներին նկատվում էր կուլակային տիպի հողատեր գյուղացիների թվի աճ, գյուղատնտեսական կոոպերատիվների ստեղծում, գյուղատնտեսական տեխնիկայի որոշ աճ, կապիտալիստական տիպի տնտեսությունների զարգացում և այլն: Բայց, շնայած այս բոլորին, Իրանի աղքատային կարգերի հիմքում շարունակում է մնալ նրա կիսագաղութային էությունը: Հողագործության որոշ կապիտալիզացիան և կիսատ պոստ սոցիալիզմը չեն կարող լուծել աղքատային հարաբերություններում եղած հակասությունները:

«Իրանի ուսումնասիրումը ՄԱԽ-ում» թեմայով զեկուցում կարդաց Ն. Կուզնեցովան։ Զեկուցողը նշեց, որ Իրանի պատմության, տնտեսության տարբեր հարցերը խորը կերպով ուսումնասիրվում են սովետական գիտնականների կողմից և թվարկեց բազմաթիվ հեղինակներ և աշխատություններ։ Զեկուցման հիմնական թերությունն այն էր, որ ինչպես զեկուցման, այնպես էլ նույն թեմայով հրատարակության համար պատրաստված աշխատության մեջ ընդգրկված են միայն ռուսերեն լեզվով լույս տեսած աշխատությունները։ Մինչդեռ սովետական ռեսպուբլիկաներում տարբեր լեզուներով լույս են տեսել բազմաթիվ գրքեր՝ Իրանի պատմության վերաբերյալ, որոնք չեն կարող անտեսվել լոկ այն պատճառով, որ աշխատության հեղինակը, կամ բիրտիոգրաֆիայի կազմողը անկարող է կարդալ այդ լեզուներով լույս տեսած աշխատությունները։

Իրանական սեկցիայում մտքերի աշխույժ փոխանակություն եղավ Ռ. Ղազիի ֆուրդ ժողովրդի ազգային-ազատագրական շարժումների պատմության ուսումնասիրումը Սովետական Միությունում զեկուցման շուրջը, որը կարդացվել էր պլենար նիստում։ Փուրդ ժողովրդի հերոսական պայքարը ուսումնասիրվել է սովետական գիտնականների կողմից։ Ազատագրական այդ պայքարի պատմությանն են նվիրված մի շարք աշխատություններ։ Բայց դրանք զերծ չեն որոշ էական սխալներից։ Այդ սխալները առաջին հերթին արտահայտվում են նրանում, որ Փուրդը ըստանի ռեյուցիոն առանձին շարժումների բնութագրման գործում որոշ հեղինակներ հաշվի չեն առնում Փուրդը ըստանի տնտեսական և քաղաքական ստրուկտուրան և հաճախ աշխատում են քուրդ ժողովրդի ռեյուցիոն շարժումները կապել միայն իմպերիալիստական պետությունների քաղաքականության հետ։ Իսկ որոշ հեղինակներ, ընդհակառակը, քուրդական ռեյուցիոն բոլոր շարժումները և զինված ապստամբությունները դիտում են իմպերիալիստական տերությունների քաղաքականությունից անջատ և համատարած կերպով դրանք գնահատում որպես պրոգրեսիվ շարժումներ։ Այսպիսի դիրքորոշումներով, իհարկե, չի կարելի օրյակտիվորեն տալ քուրդ ժողովրդի ազգային-ազատագրական շարժումների պատմությունը։ Ազգային-ազատագրական շարժումների պատմության մեջ գլխավորն այն է, որ այդ շարժումները հակաֆեոդալական և հակաիմպերիալիստական բնույթ են կրում և համընկնում քուրդ ժողովրդի գերակշռող մեծամասնության ազգային շահերի հետ։

Զեկուցման քննարկման ժամանակ ընկ. ռնկ. Մ. Ալիզադեն, Ա. Շամիդեն (Բաքու) այն միտքն արտահայտեցին, որ որոշ քրդական շարժումներ, ինչպես, օրինակ, Սմկոյի գլխավորած շարժումը Իրանում ավազակային բնույթ ունեն և ուղղված էին հասարակ ժողովրդի դեմ, ուստի դրանք ոչ մի դեպքում ազատագրական շարժումներ համարվել չեն կարող։

Գ. Ակոպովը (Երևան) իր ելույթում ցույց տվեց Սմկոյի գլխավորությամբ տեղի ունեցած շարժման էտապները։ Փաստերի հիման վրա նա նկարագրեց շարժման սկզբնական շրջանի և վերջին շրջանի տարբեր բնույթը, այն, որ եթե սկզբում շարժումը հակաֆեոդալական և ազատագրական բնույթ ուներ, ապա զնալով այն դարձավ իմպերիալիստական պետությունների նպատակներին ծառայող շարժում, գյուղացիական մասսաները հեռացան նրանից և այլն։

Հայաստանի արևելագետները Իրանական սեկցիայում հանդես եկան երեք զեկուցումներով։ 1918—1921 թթ. Իրանում ազգային-ազատագրական շարժումների գնահատականի շուրջ» թեմայով զեկուցում կարդաց Հ. Ծղանյանը։ Զեկուցողը հատկապես կանգ առավ այն հարցի վրա, որ Իրանական Աղրեբջանում ծավալված շարժումը սովետական որոշ հեղինակներ գնահատել են որպես մի շարժում, որը նպատակ ուներ ստեղծել Աղրեբջանական անկախ պետություն՝ բուրժուական ռեսպուբլիկա։ Զեկուցողը բազմաթիվ փաստերով հերքեց այդ գնահատականը և փորձեց ապացուցել, որ այդ շարժումը նպատակ ուներ ամբողջ Իրանը ազատագրել իմպերիալիստական լծից և որոշ ավտոնոմ իրավունքներ ձեռք բերել աղրեբջանական ժողովրդի համար։ Ինչ վերաբերում է Գիլանում ծավալված շարժումներին, ապա զեկուցողը նշեց, որ այդ հարցում ևս թույլ են տրվել սխալներ։ Ելնելով ռեյուցիոն այդ շարժումների առանձին ղեկավարների հետագա ճակատագրից, որոշ հեղինակներ շարժման պարտության ամբողջ հանցանքը վերագրել են այդ ղեկավարների թույլ տված սխալներին, մինչդեռ երկրորդ պլանի վրա է մղվել անգլիական իմպերիալիստների ինտերվենցիան, որը զեկուցողի կարծիքով, շարժման պարտության հիմնական պատճառը պետք է համարել։

Այս զեկուցման շուրջ ծավալված մտքերի փոխանակության ժամանակ Ս. Ալիզադեն նշեց, որ Իրանական Աղրեբջանում ծավալված շարժման ղեկավարները չէին համակրում Սովետական իշխանությանը, իսկ Մ. Ալիզադեն և Բ. Հուսեյնովը նշեցին, որ ճիշտ է զեկուցողի այն թեզը, որ շարժումը նպատակ ուներ ազատագրել ամբողջ Իրանը։ Մ. Ալիզադեն հատկապես նշեց, որ շարժման ղեկավարները Աղրեբջանը վերանվանեցին ոչ թե Ազադըստան (ազատության երկիր), ինչպես կարծում են որոշ հեղինակներ, այլ Ազադիսթան (ազատության ձգտող)։

Արևելագիտության սեկտորի աշխատակից Գ. Ակոսյովը զեկուցում կարդաց «Կապիտալիստական հարաբերությունների զարգացումը իրանական Քուրդրստանում» թեմայով, Զեկուցման մեջ վեր էր հանվում իրանական Քուրդրստանում ներքին շուկայի ձևավորման առանձնահատկությունները, կապված համաշխարհային կապիտալիստական տնտեսության ոլորտի մեջ նրա ներգրավման հետ: Բայց շնորհիվ կապիտալի կուտակման աննշան լինելուն և երկրում իշխող ֆեոդալական-միապետական կարգերին կապիտալիզմը Քուրդրստանում հնարավորություն չունի թեև ևս չի արդյունաբերական ոլորտը: Նա զերիշխում է առևտրում և զնալով ավելի է ներթափանցում գյուղատնտեսության մեջ: Զեկուցողը ֆեոդալական սեփականությունը կապիտալիստականի վերաճելու եղանակները ուսումնասիրելու հիման վրա փորձեց պատասխանել գիտության մեջ զեկուս չպարզարանված հարցին, հողի նկատմամբ սեփականատիրական հարաբերությունների բնույթը և տրանսֆորմացիան, ֆեոդալական ձևերից կապիտալիստական ձևերի փոխվելու ժամանակ:

Իրանական սեկցիայում «Ժամանակակից իրանական պատմագրությունը Անդրկովկասը Ռուսաստանին միանալու մասին» թեմայով զեկուցում կարդաց Բ. Բալայանը: Զեկուցողը նշեց, որ վերջին տարիներին իրանական բուրժուական պատմագրությունը մեծ ուշադրություն է հատկացնում ռուս-պարսկական երկրորդ պատերազմի առաջացման պատճառների ուսումնասիրմանը, մի պատերազմ, որի հետևանքով Անդրկովկասը վերջնականապես միացավ Ռուսաստանին: Իրանական պատմաբանները առաջ են քաշում տարբեր տեսակետներ, հաճախ հակասական: Բայց հիմնականում սուրյեկտիվ բոլոր այդ կոնցեպցիաները հասցնում են Թուրքմենյայի հաշտությունից հետո ռուս-իրանական և անգլո-ռուսական հարաբերությունների սխալ զնահատականին և լուծյան են մատնում Անդրկովկասը Ռուսաստանին միանալու օբյեկտիվ պրոգրեսիվ հետևանքները:

Իրանական սեկցիան իր աշխատանքների վերջում որոշում կայացրեց սիստեմատիկաբար կազմակերպելու նման գիտական սեսիաներ և ուժեղացնել կոորդինացիան՝ գիտա-հետազոտական թեմատիկ պլանների գծով: Որոշման մեջ նշվեց, որ մի շարք հրատարակված աշխատություններում սխալ են զնահատվել իրանի պատմության առանձին հարցերը, հատկապես աղատագրական և ռեզոլյուցիոն շարժումների հետապնդած նպատակները և շարժիչ ուժերը: Որոշման մեջ հատկապես ընդգծվեց, որ ընդհանրացնող աշխատություններ և ձեռնարկներ գրելիս պետք է ներգրավել ոչ միայն Մոսկվայի և Լենինգրադի, այլև ռեսպուբլիկաների արևելագետների լայն շրջաններին:

Թուրքական սեկցիայում լսվեցին և քննարկվեցին 22 զեկուցումներ, որոնցից 8-ը նվիրված էին նոր շրջանի պատմության հարցերին, 10-ը՝ նորագույն և 4 զեկուցում և գիտական հաղորդում՝ Թուրքիայի Լեոնտմիկայի և արդի տնտեսական վիճակի տարրեր պրոբլեմներին:

Թուրքիայի նոր պատմության հարցերի շուրջ կարդացվեցին հետևյալ զեկուցումները: Բ. Մ. Դանեիդ (Մոսկվա) — «Մերձավոր և Միջին Արևելքի ուսումնասիրությունը Ռուսաստանում 18-րդ դարում», Օ. Ի. Գիդինեյշվիլի (Թբիլիսի) — «18-րդ դարի վերջի Թուրքիայի արտաքին քաղաքականության մի քանի հարցեր», Պ. Շ. Շարանով (Բաքու) — «Աղբարայի հարաբերությունների իրավական հիմքերը Թուրքիայում Թանզիմաթի ժամանակաշրջանում», Ա. Բ. Ավալիանի (Թբիլիսի) — «Թանզիմաթի ռեֆորմների շուրջ», Գ. Լ. Բոնդարևսկի (Մոսկվա) — «Թուրքիան և 1904—1905 թթ. ռուս-ճապոնական պատերազմը», Յու. Ա. Պետրոսյան (Լենինգրադ) — «Նոր նյութեր երիտթուրքական շարժման պատմության վերաբերյալ», Ե. Ղ. Սարգիսով (Երևան) — «Առաջին համաշխարհային պատերազմին կենտրոնական տերությունների բռնկում Օսմանյան կայսրության հանդես գալու հարցի շուրջ», Գ. Զ. Ալիև (Բաքու) — «Մի քանի ներքին հակասությունները «Իթթիհաթ վե թերաքթ» պարտիայում: Նոր և արժեքավոր փաստական նյութերի ընդգրկումով հետաքրքրություն ներկայացրեցին Օ. Գ. Գիդինեյշվիլի, Խ. Բոնդարևսկու, Ե. Սարգիսովի, Յու. Պետրոսյանի և Գ. Ալիևի զեկուցումները: Օ. Գիդինեյշվիլին իր զեկուցման մեջ օգտագործելով տեղական աղբյուրները փորձեց լուսարանել Վրաստանի նկատմամբ Թուրքիայի վարած արտաքին քաղաքականությունը 1768—1774 թթ. ռուս-թուրքական պատերազմի նախօրյակին և ժյուլուկ-Կայնարջիի հաշտությունից հետո: Զեկուցողը կանգ առավ Վրաստանի դեմ Ախալցխայի փաշային օգտագործելու սուլթանական մտադրությունների վրա, որոնք սակայն Թուրքիային չհաջողվեց իրականացնել: 1787—1791 թթ. ռուս-թուրքական պատերազմը Թուրքիային ստիպեց նորից հրաժարվելու Վրաստանում հաստատվելու փորձերից: Գ. Ալիևն իր զեկուցման մեջ ցույց տվեց, որ առաջին համաշխարհային պատերազմի նախօրյակին և առանձնապես պատերազմի տարիներին երիտթուրքական պարտիայի ղեկավարության մեջ առկա են եղել սուր տարա-

ձայնություններ, ներքին պայքար, որոնք խանգարել են Թուրքիային դուրս գալու համաշխարհային պատերազմից և դրանով իսկ խուսափելու ծանր պարտությունից:

Գ. Բոնդարևսկին արխիվային հարուստ նյութի հիման վրա վերհանեց սովետական Թուրքիայի երկդիմի և խարդախ քաղաքականությունը Ռուսաստանի նկատմամբ 1904—1906 թթ., 1904 թ. ընթացքում Ստոկհոլմում զաղտնի բանակցություններ էին տարվում Ռուսաստանի դեմ թուրք-շվեդական ռազմական դաշինք կնքելու շուրջ: 1905—1906 թթ. Հոնդոնում ընթացող անգլո-ճապոնա-թուրքական խիստ զաղտնի բանակցությունների ժամանակ քննարկվում էր անգլո-ճապոնական դաշինքին Թուրքիայի միանալու հարցը: Չնայած այն բանին, որ անգլիական կառավարությունը ամենայն զգուշությամբ թաքցնում էր հիշյալ բանակցությունները և բազմիցս պաշտոնապես հերքում այդ մասին մամուլի միջոցով տարածվող լուրերը, բանակցությունների ողջ ընթացքը լուսարանող զաղտնի փաստաթղթերը ժամանակին ձեռք են բերվել և այժմ պահվում են Մոսկվայի արխիվներում:

Ն. Ղ. Սարգիսովն իր ղեկուցման մեջ հիմնավորեց այն տեսակետը, որ Օսմանյան կայսրությունը ընդգրկվել է առաջին համաշխարհային պատերազմի մեջ ոչ թե հռչակ դաշինքի տերությունների և հատկապես Գերմանիայի դործադրած ջանքերի շնորհիվ, ինչպես պնդում են որոշ հեղինակներ, այլ իր սեփական նախաձեռնությամբ՝ իր պանթուրքիստական նվաճողական պլաններն իրականացնելու համար: Հենց այդ նպատակով երիտթուրքական կառավարության հրավերով 1913 թ. Թուրքիա ժամանեց Հիման ֆոն Սանդերսի միսիան թուրքական բանակը վերազինելու և վերակառուցելու համար: Հեղինակը բազմաթիվ փաստերով ցույց տվեց, որ իրավացի չեն այն սովետական պատմաբանները (Ա. Ֆ. Միլլեր, Ա. Ա. Մոդիլեիչ և Մ. Լ. Հայրապետյան, Ֆ. Ի. Նոտովիչ), որոնք հռչակ դաշինքի կողմ Օսմանյան կայսրության հանդեպ դառն պատճառաբանում են Անտանտի պետությունների թույլ ջանքերով, նրա դիվանագիտների պասսիվությունը: Այդ կապակցությամբ Ն. Սարգիսովը միանգամայն անհիմն է համարում որոշ հեղինակների այն պնդումը, թե իրոք Թուրքիան կարող էր անցնել Անտանտի տերությունների լազերը, եթե Ռուսաստանը համաձայնվեր 1914 թ. օգոստոսի բանակցությունների ժամանակ նրա կողմից առաջ քաշված պայմաններին:

Յու. Պետրոսյանի (Հենինդրադ) ղեկուցումը հետաքրքրական էր նրանով, որ հեղինակը 1961 թ. հունիս-հուլիս ամիսներին Ռումինիայում եղած դործուղման ժամանակ հայտնաբերել էր երիտթուրքերի կողմից էմիրդաշիայում (Փարիզում, Ժնևում և Կահիրեում) հրատարակված քաղաքական րոշյություններ, որոնք կարևոր աղբյուրներ են երիտթուրքական շարժման սկզբնական շրջանի ուսումնասիրման համար: Այդ րոշյությունները ներկայումս գտնվում են ՍՍՌՄ Գիտությունների ակադեմիայի Ասիայի ժողովուրդների ինստիտուտի լենինդրադյան բաժանմունքի գրադարանում և մատչելի են մասնագետներին:

Թուրքական սկզբնային նիստերում առավել մեծ հետաքրքրություն ներկայացրեցին Թուրքիայի ռեսպուբլիկական շրջանի պատմության հարցերին և ժամանակակից պրոբլեմներին նվիրված ղեկուցումները, Ա. Մ. Շամսուդդինով (Մոսկվա)—Քեմալ Աթաթուրքի արտաքին քաղաքականության սկզբունքները, Ա. Ն. Խեչեք (Մոսկվա)—Մ. Վ. Ֆրունզեի միսիայի դերը ՍՍՌՄ-ի և Թուրքիայի միջև բարեկամական հարաբերությունների ամրապնդման գործում, Դ. Ն. Նրեմեն (Հենինդրադ)—Քեմալիզմը և պանթուրքիզմը, Ռ. Գ. Սահակյան (Նրեան)—1920—1923 թթ. սովետա-թուրքական հարաբերությունների մի քանի հարցերը ժամանակակից թուրք հեղինակների աշխատություններում, Ն. Էֆենդիևա (Բաքու)—Անատոլիայի հարավում ֆրանսիական օկուպանտների դեմ թուրք ժողովրդի մղած պայքարի պատմությունից (1919—1922 թթ.), Մ. Ա. Հասրաբյան (Մոսկվա)—Ազգային միասնության կոմիտեի միջոցառումները Թուրքիայի պետական շինարարության մեջ, Ռ. Պ. Կորնիենկո (Մոսկվա)—Թուրքիայի բանվորական շարժման հիմնական հարցերը ժամանակակից Լուսպում, Ա. Ա. Բարան (Մոսկվա)—Քաղաքական պայքարի արտացոլումը թուրքական պարբերական մամուլում, Ն. Ֆ. Լուդշովիչ (Մոսկվա)—Գերմանական ֆաշիզմը Թուրքիայում երկրորդ համաշխարհային պատերազմի նախօրյակին:

Ռ. Գ. Սահակյանի ղեկուցումը նվիրված էր սովետա-թուրքական հարաբերությունների սկզբնավորման ժամանակաշրջանի պատմության հարցերին, որոնք (ինչպես և սովետա-թուրքական հարաբերությունների առանց բացառության բոլոր հիմնական հարցերը) ժամանակակից թուրք հեղինակների՝ պատմաբանների, անցյալի քաղաքական ու ռազմական գործիչների, ժող-նախնայների հրապարակված բազմաթիվ աշխատություններում, պատմության դասադրերում, քաղաքական հուշերում րացահայտ ֆալսիֆիկացիայի են ենթարկվում: Խեղաթյուրելով պատմական իրականությունը և նենդափոխելով փաստերը թուրք հեղինակները գործն այնպես են ներկայացնում, որ իրոք 1920 թ. քեմալական Թուրքիայի և Սովետական Ռուսաստանի միջև դիվա-

նագիտական հարաբերություններ հաստատելու մեջ շահագրգռված էր միայն վերջինս՝ «իր ներքին վիճակն ամրապնդելու համար», ուրանում են սովետական, նյութական, ռազմական, բարոյական օգնության վճռական դերը Թուրքիայի ազգային-ազատագրական պայքարի հաղթանակի գործում: Թուրք պատմաբանների զրբերում աղավաղված է 1921 թ. Մոսկվայի ու Ղարսի պայմանագրերի պատմությունը, 1922—1923 թթ. լոգանի կոնֆերանսում սովետական պատվիրակության գրաված դիրքը և այլն:

Պետք է նշել, որ թվարկված զեկուցումներից ոչ բոլորն էին գտնվում գիտական պատշաճ բարձրության վրա: Եթե Մ. Հասրաթյանի, Ռ. Կորնիենկոյի, Ա. Բարանի զեկուցումներում նոր, թարմ փաստեր բերվեցին Թուրքիայի ժամանակակից կյանքում տեղի ունեցող փոփոխությունների, նոր երևույթների մասին, ապա Ա. Շամսուտդինովի և Ն. էֆենդիևայի զեկուցումները կազմված էին հայտնի փաստերի հիման վրա, ուստի և իրավացիորեն չբավարարեցին մասնագետներին:

Թուրքական սեկցիայի աշխատանքի դրական արդյունքներից մեկն այն էր, որ նա նպաստեց Թուրքիայի նորագույն շրջանի պատմության առանձին պրոբլեմների մի քանի սկզբունքային կողմերի պարզաբանմանը և հստակ ձևակերպմանը: Զեկուցումների քննարկմանը մասնակցողները զլխավոր ուշադրությունը դարձրեցին ազգային բուրժուազիայի քաղաքականության զնահատականի, քեմալիզմի էվոլյուցիայի վրա՝ ընդգծելով ազգային բուրժուազիայի և նրա քաղաքական վարքագծի երկակի բնույթը, իմպերիալիզմի հետ գործարքի մեջ մտնելու նրա հակումները, որոնք ի վերջո երկիրը բերեցին պատերազմի և ռեակցիայի լազերի: Հիշյալ հարցերը խառնաշփոթ ձևով էին ներկայացված Դ. Երեմենի «Քեմալիզմը և պանթուրքիզմը» թեմայով զեկուցման մեջ: Առանց լուրջ հիմնավորման զեկուցողը պնդում էր, որ իր քեմալիզմի և պանթուրքիզմի միջև ոչ մի ընդհանրություն չկա, դեռ ավելին, որ քեմալիզմը լրիվ հակադրվում է պանթուրքիզմին: Փաստազուրկ էր նաև զեկուցողի այն պնդումը, թե իր քեմալը հետևողականորեն պայքարել է կրոնի ու ֆեոդալիզմի դեմ: Դրանով իսկ զեկուցողը ազգային բուրժուազիայի զաղափարախոսությունն ու վարած քաղաքականությունը փորձում էր կտրել-անջատել նրա դասակարգային հիմքից, պատմական պայմաններից: Ելույթ ունեցող ընկերները՝ Ա. Բազիլյանցը, Բ. Դանդիզը, Օ. Գիզինելչիլին, Հ. Ինճիկյանը, Ե. Լուղշուվլյուրը, Ա. Շամսուտդինովը նշեցին, որ զեկուցողը կարևոր հարց է բարձրացրել, սակայն չի կարողացել այն գիտականորեն խորը մշակման և վերլուծության ենթարկել: Հիշյալ ընկերներն այն միտքը հայտնեցին, որ անհրաժեշտ է հստակորեն տալ քեմալական շարժման երկակի բնույթը: Առաջադիմական կողմերի հետ մեկտեղ մատանշել նաև քեմալիզմի ռեակցիոն գծերը, թուրքական կառավարության շուրջ-նիստական ներքին և ազդեցիկ արտաքին քաղաքականությունը: Այդ կապակցությամբ անհրաժեշտ համարվեց վերանայել մեր պատմական գրականությունը մեջ առկա Քեմալի անձի իդեալականացման տենդենցը, որին հետևելով առանձին հեղինակներ նրան կտրում են իր պատմական միջավայրից, դարձնում անմեղսակից Թուրքիայի արտաքին քաղաքականության ազդեցիկ դրսևորումներում՝ դրանք կապելով ռացիոնալ քեմալի քաղաքական հակառակորդների հետ:

Թուրքիայի և Իրանի սեկցիաների եզրափակիչ նիստերում քննարկվեցին «Թուրքիայի նորագույն պատմություն (1917—1964)», «Իրանի նոր պատմություն» և «Իրանի նորագույն պատմություն (1917—1964)» կոլեկտիվ մենագրությունների պլան-պրոսպեկտները:

Մայիսի 26-ին սեսիայի եզրափակիչ նիստում ամփոփվեցին սեկցիաների աշխատանքների արդյունքները: Որպես դրական մոմենտ ընդգծվեց այն փաստը, որ կարողացված զեկուցումների քննարկումը անցավ ստեղծագործական դիսկուսիայի մթնոլորտում և օգնեց պարզաբանելու մի շարք վիճելի գիտական հարցեր: Հատուկ շեշտ դրվեց արևելագիտական հիմնարկների աշխատանքների կոորդինացման խնդրի վրա: Սեսիան կարևոր խնդիրներից մեկը համարեց Իրանի, Թուրքիայի և Աֆղանստանի նոր և նորագույն պատմությանը նվիրված ընդհանրացնող աշխատությունների ստեղծումը՝ այդ գործում ընդգրկելով մասնագետների լայն շրջաններ: ՀՍՍՌ ԳԱ Արևելագիտության սեկտորին առաջարկվեց կազմել և ներկայացնել արտասահմանյան հայկական մամուլի տեսություններ՝ արաբական երկրների վիճակի մասին:

Սեսիան իր որոշման մեջ նշեց կազմակերպական առանձին միջոցառումների նպատակահամարությունը: Այսպես, օրինակ՝ առաջարկվեց Ադրբեյջանի ԳԱ Արևելագիտության ինստիտուտում ստեղծել Աֆղանստանի և քրդագիտության բաժիններ, իսկ Հայաստանի ԳԱ Արևելագիտության սեկտորը, ի նկատի առնելով նրա աշխատակիցների կազմը և որակը, ինչպես նաև գիտահետազոտական պրոբլեմների ընդգրկումը, դարձնել ինստիտուտ:

Որոշվեց մոտ ապագայում հրատարակել սեսիայում կարդացված զեկուցումները:

Հ. Ե., Ռ. Ս.